

Sulisartup sunniteqarfiginngisaanik piffissami sivikitsumi tunisassiornermik unitsitsigallarneq pissutigalugu angerlartitaanermi suliffeqarnermi ikiorsiissutinik pissarsisinnaanerup annertusitinneqarnissaa, suliffeqarfinni sunngaluartuniluunniit sulianut suogaluartunulluunniit atuutsinneqalernissaa anguniarlugu sulinermi ikiorsiissutit pillugit Inatsisartut inatsisaata nr. 2 majip 15-ianeersup 2014 allangortinneqarnissaanik kingusinnerpaamik UPA2020-imi siunnersuuteqaqqullugit Naalackersuisut peqquneqarnissaanik Inatsisartut aaliangiiffigisassaattut siunnersuut.
(Inatsisartunut ilaasortaq Doris Jakobsen, Siumut)

Akissuteqaat

(Aatsitassanut Suliffeqarnermullu Naalackersuisoq)

Siullermeerineq

Aallaqqaasiullugu Naalackersuisut Inatsisartunut ilaasortaq, Doris Jakobsen fra Siumut-meersoq, aalangiiffigisassatut siunnersuuteqarneranut qutsavigaat.

Suliffeerunnermi ikiorsiissutinut periaatsip eqqumaffigineqarnera Naalackersuisut pingaartippaat, tassami pisortanit isumannaallisaasoqarluni ingerlalluurtumik, piffissami nammineq pisuussutiginnngisaminnik suliffeeruffiusuni pisariaqartitsisunik isumannaarisumik, peqatigisaanillu pisortanit ikiorserneqarani suliffeqarluni imminut pilersornissamut ersarissunik kajumissaaruteqarnissaa, nunatta aningaasaqarnerani arlaannaannulluunniit attuumassuteqaqnginnissaq pingaaruteqarmat.

2019-mut aningaasanut inatsit pillugu politikkikkut isumaqatigiissummut naapertuuttumik, suliniut ”imminut pilersornerulernissaq”, ilaatigut pisortanit ikiorsiissutinik, ilanngullugu suliffeerunnermi ikiorsiissutit, iluarsaaqqinnissamik qimerloorinniffiususaaq, pillugu suliffeqarnermut, isumaginninnermut, ilinniartitaanermut akileraartarnermullu suliassa qarfiit akornanni suliassa qarfiit akimorlugit suleqatigiinnik pilersitsisoqarpoq. Pisortanit ikiorsiisarnernik iluarsaaqqinnissamut inassuteqaatit tamarmik ataatsimoorlutik ataqatigiisinneqarnissaat pingaaruteqarpoq.

Naalackersuisut tamatumunnga nangissutigalugu suliffeerunnermi ikiorsiissutinut iluarsaaqqinnerusinnaasumik suliaraqput: 'Suliffissarsiornermut ikiorsiissutit'. Najoqqutarisaaq suli ineriartortinneqarpoq, aammalu iluarsaaqqinnernut allanut ataqatigiisinneqarnissaa pingaaruteqarpoq, tassami tamanna pisortanit ikiorsiisarnernik il.il. iluarsaaqqinnermut

annertunerusumut ilaammat. Iluarsaaqqinnernut atatillugu pisortat aningaasartuutaasa annertunerulernerat Aningaasaqarnermut Naalakkersuisoqarfimmit naatsorsorneqassaaq.

Sulisut ataatsimoortut, nioqqussiassanik suliarineqanngitsunik amigaateqarneq, maskiinanik ajoqusertoqarnera, sila il.il. pissutigalugit tunisassiornerup uninnerata malitsigisaanik, pisortatigoortumik soraarsinneqaratik, nammineq pisuussutiginnngisaminnik angerlartitaagallarnissamik annertuumik aarlerinartorsiortut, isumannaariffigineqarnissaat suliffeerunnermi ikiorsiissutit pillugit inatsisartut inatsisaat nr. 2, 15. maj 2014-imeersumi § 4-imi pineqarmat erseqqissassallugu pingaaruteqarpoq, tassa imaappoq nunami tunisassiorfiit (pingaartumik aalisakkeriviit). Assersuutigalugu illuliortiternermi tunisassiornerup uninnera aamma maleruagassat ullumikkut taamaatsillugit, pineqartunut ilaatinneqarput.

Naalakkersuisut suliniut ”imminut pilersornerulernissaq” pillugu suliassaqarfiit akimorlugit suleqatigiinnermik pilersitereersimammata, tassanilu ilaatigut suliffeerunnermi ikiorsiissutit qimerloorneqarlutik, suleqatigiinnerup taassuma ingerlaannarnissaa naleqqutissaaq inatsimmut ataatsimut arlariiaanik ajornartorsiutilimmut ataatsimik allanngortitsinissamik aalajangiussinialertoqarnani. Suna tamaat ilanngullu, naalakkersuisoqatigiinnissamik isumaqatigiissutip anguniagai naapertorlugit, innutaasut inuuniarnermikkut atugarisassa pitsanngorsarnissaat, tassanilu pineqartumi aaqqissuisoqaqqinnissaa Naalakkersuisut sulissutigaat. Ileqqorissaarnissaaq eqqarsaatigalugu oqaatigineqassaaq, nunami tunisassiorfinni sulisut nammineq pisuussutiginnngisamik angerlartitaagallarnermut atatillugu suliffeerunnermi ikiorsiissutinik (imaluunniit suliffissarsiornermut ikiorsiissutit) tigusaqartartut saniatigut, sulisunut ataatsimoortukkaanut amerlanerusunut suliffeerunnermi ikiorsiissutinik tigusaqartarnissamik ajornarunnaarsitsinissamik siunnersuut, suliniummi ”imminut pilersornerulernissaq” ilanngullugu eqqarsaatigineqarsinnaammat.

Siunnersuut manna Ataatsimiittarfimmi apriliip sisamaanni saqqummiunneqartumut, A-kassemik eqqussinissaaq pillugu imm. 52-imut, attuumassuteqarnera ilisimatitsissutigisinnaavara.

Tamannalu tunuliaqutaralugu Naalakkersuisut inassutigaat siunnersuut taamatut isikkoqartillugu Inatsisartut ilalissanngikkaat.

Naalakkersuisut taarsiullugu imaattumik allannguutissatut siunnersuuteqarput:

Inatsisartut aalajangiiffigisassaatut siunnersuut massumunnga tunngasoq, aalajangiiffigisassatut siunnersuutip saqqummiunneqartup, suleqatigiit assigiinngitsuneersut, nammineq pilersornerusinnaanermik tunngassutilimmik suliaqartut, tassani sulisinnaasut inuussutissarsuinnissamut, sulinani pilersorneqarneq pineqarani, kaammattornissaannik, misissuisut suleqatigiinnerannut ilanngunneqarnissaa. Suliaq innutaasunut suliffissaaleqisunut suliffeerunnermi ikiorsiissutissanut ullutsinnut naleqqunnerusumik aaqqiissummut inassutinik arlalinnik inerineqartinneqassaaq.